

天花精言目錄

卷三

各經餘毒論

痘目論

休息痢論

鶴膝論

外風內風論

客感陰衝論

痘後調養論

痘前諸瘡宜早治論

痘證始末論

治法總論

天花精言卷三

各經餘毒論

痘之出也。各經皆傳而後達於皮膚。及其完結。當使內毒淨盡。豈可令其復畱。而指爲某經之毒哉。其或治之不善。潛伏於內。又或梟毒盤結。一時根株難於盡拔。卽極力透表。而藏之也深。發之也遲。故有不及察者。但某經有不盡之毒。則某經有發見之證。誠中形外。絲毫不爽。卽其證候。決其經絡。而瞭如指掌矣。因其經絡。投之藥餌。而無堅不破矣。不外表散攻破。

之法而輕重隨其證候。是在妙手運用耳。夫各經皆有餘毒。而古人不言心腎者何也。心爲君火。諸邪難犯。其體清淨。不容毫末。迨毒氣攻心。而各經已壞。危在頃刻矣。故前人不著毒畱心經之條。以其不及治。故不言治法也。亦有舌上生瘡。繞弄不寧。甚而舌槽晦黯者。此皆包絡火盛。而不可言毒氣攻心。至於舌硬而縮。色青而黑。此則無可爲力者耳。腎爲本位。毒攻本位者不治。發熱之始。已知其必敗。而猶論及餘毒乎。肺經之痘爲順。何至亦有餘毒畱肺之說哉。肺

居至高之位。而爲五臟之蓋。各經之火。皆能熏燂。上
吉之痘。不必言矣。若遇險證。肝邪可入肺。土燥不能
潤金。陽明之熱。上蟠管竅。火之陵逼。卽爲毒之纏繞。
故輕則咳嗽連綿。鼻孔生瘡。或出血不止。或香臭不
辨。或流黃涕。而如膠如漆。或吐稠痰。而若腥若臭。此
則恐成肺癰。急投以清金攻毒之劑。蓋肺與大腸相
表裏者也。清火敗毒。使由大腸而出。卽成肺癰。膿亦
可下。兼之涼解表散。透發肺經之藥。而毒自散矣。至
若咽喉已鎖。其聲如鋸。痰涎湧促。面色青白。此屬不

治之條無庸招謗可也。餘毒畱胃者何。鐵屑、掀屑、齒縫出血、大渴引飲、乾嘔不絕、其或牙根腐爛、顏色青灰的防走馬牙疳。胃火沸騰、觸之則潰、穿骨落顙、慘不可言。內則爲之大清胃熱、攻下之中、須兼升散、陽明之品。外用米泔水洗其爛處、以吹疳散吹之、使腐爛之肉已去、而漸轉紅活、則猶可及止耳。其大關竅處、必先爲之安胃、而納穀、飲食得進、胃氣有滋養、生息之意、而後內外兼治、徐收成功。若祇知胃火太盛、而過用寒涼、使胃氣暴閉、不能納穀、則愈激愈甚、一

目爛一分。十日爛一寸。其禍有不忍目覩者矣。餘毒
畱肝者何。肝開竅於目者也。五臟之光華。皆現於目。
胡爲獨言肝經乎。目爲水之精。肝爲血之海。故也。或
紅腫。或癢爛。或起雲翳。或出盲珠。或迎風而流淚。或
當陽則羞明。或如蠅蚩。或如珠結。或攀睛。或蟹睛。或
瘀肉暴發。或瞳神塌陷。一經眼科之手。誤用寒涼之
劑。未有不敗事者。又或始則失治。使痘出目中。待其
收靨而後圖之。而目已受傷矣。治之之法。總從肝腎
入手。至於各種門頭。各樣調理。詳載於痘目論中。茲

不勝殫述焉。又如髮燥而交。手足拘攣。爲之清火。而兼養血。舒筋而兼散風。其證自除。何事他求乎。若夫餘毒畱脾。其證又何如哉。腹脹難消。脣紅而燥。或大便閉結。或洩瀉如淋。或毒火迫逼。而如垢如膠。爲膿爲血。努急愈甚。疼痛難當。更或咽乾口渴。以大腸熱而肺經亦燥也。徧體如烝。而四心倍甚。以脾陰燔炙而眞陽外爍也。以爲痘後而誤用滋補。則閉賊於門庭之內。不知驅除。而任其作祟。猶養虎於枕席之間。宜用攻毒之味。而濟以滑潤之藥。則下之甚利。而中

氣不至大傷。觀其所解之糞。淡黃融和。而毒氣淨盡矣。此各經餘毒之形狀也。卽其形狀。知其經絡。因經而細尋之。枉表枉裏。宜輕宜重。操縱由我。變化隨手。又何餘毒之足慮乎。

痘目論

人之精神。係於兩目。而傷於痘者。甚多而甚速。一時之錯誤。終身之大累。可不慎哉。痘中目病。與尋常不同者。以其有毒故也。種種形證。已詳列於各經餘毒論中。而源流未著。治法不備。雖云肝腎爲入手之訣。

正恐無從摸索耳。今爲條分縷悉。詳其節目。探本窮源。究其綱領。庶閱者得所適從焉。肝開竅於目。而腎水爲血海之源。目也者。以腎爲主。而肝經養之者也。腎經被傷。則水源已涸。目尙能視乎。故眼中諸病。得之肝經者爲多。而又有兼挾各經而爲累者。卽屬他經之證。必由肝經升發。以肝本與目相通。所謂養之者。病而爲所養者。亦病也。肝經若畱餘毒。他經之熱乘勢而聚於受傷之處。各種證候。皆發於目。此則目病之來。歷也。得其來歷。夫乃可逐條而細分之矣。紅

腫者血熱則紅氣燥則腫清火涼血而濟以解散之
品則紅退而腫消矣。癢爛者眼包屬脾肝經之火挾
脾經之風溼而升於目也。瀉肝經之火而兼散脾經
之風溼癢爛何難除乎。起雲翳者肝氣閉結火鬱於
內不能透發目之津液凝結而成一見寒涼愈結則
愈厚爲之開鬱而散結氣開火散而翳自退矣。冒珠
者肺火下移金來克木肝火上騰不受制伏兩相激
而衝突白珠爲肺黑珠爲肝兩經之液從黑白之界
周圍突出而成冒珠也。清肺之品以血分之藥領載

之涼血之劑。以散氣之藥。升發之。則肝肺和解。真氣自透。而盲珠之上。若有微茫。白皮欲飛。欲起。此卽漸退之兆耳。迎風流淚者。淚爲肝之液。肝火上升。而風乘之。故目酸而淚出也。卽本經而散其風熱焉。可也。當陽羞明者。肝血爲毒所燦。木中之火。不能上透。而水之精。其光亦掩。目之明。不能敵外來之光。故羞明也。解肝經之毒。而活養其血。血榮而木中之火透矣。木之火透。而水之精呈矣。又何明之足畏乎。蠅玃者。如蠅之玃。掩映於黑珠之間。肝火上升。其氣浮結。故

也。散之解之。此其至易者耳。結珠者。俗名眇子。多在
白珠之上。亦有侵入黑珠者。眼澀而磨。肺火陵肝。治
法與冒珠同。而收功則較易也。攀睛者。脾陰溼熱。土
中之滯氣浸淫。肝木挾火而上升。其色黃白土色也。
由上下眼皮而出。目包屬脾也。活肝之血而兼散脾
經之溼熱。使其上下眼皮得以鬆活。而攀睛潛消矣。
蟹睛者。肝血被燥。腎水亦傷。目中之精液既竭。故黑
珠中之小黑珠已成乾殼。如螃蟹之目。僅存空泡。此
無可如何者也。瘀肉暴發者。君火乘肝。上逼目之大

背。心。火。流。入。小。腸。亦。乘。肝。經。而。上。逼。目。之。小。背。火。氣。怒。發。催。之。使。出。故。瘀。肉。之。生。總。由。大。小。眼。角。而。見。也。以。肝。經。血。分。之。藥。領。清。心。之。品。加。以。升。發。之。味。使。得。達。於。目。而。瘀。肉。有。不。退。者。乎。至。於。瞳。人。塌。陷。此。肝。腎。兩。虧。目。睛。內。傾。故。瞳。人。不。見。而。若。失。陷。也。不。治。之。條。也。此。數。證。者。尋。常。病。目。亦。各。有。之。而。與。痘。中。不。同。治。法。亦。異。者。何。也。痘。中。之。證。挾。毒。而。來。火。盛。者。尙。能。傷。目。而。況。梟。毒。之。餘。烈。乎。故。餘。毒。畱。肝。其。始。則。險。證。門。中。結。肝。之。條。也。至。於。痘。後。而。毒。氣。不。盡。貽。害。於。目。耳。

清之散之。卽有他經之藥。必從肝經升發。而其要不
可脫解毒之總訣。此其異於尋常也。若夫解毒之藥。
亦不可不辨。卽如大黃、生地、黃連、石膏。皆攻毒清火
之妙品。以之治目。而放膽用之。其勢必壞者。氣寒則
閉。血冷則凝也。然則何以敗毒乎。花粉、連翹、蒲公英、
金銀花。舉其數端而已。可知所採擇矣。所謂目爲水
府。而藥用清輕者是也。卽有必用大黃、黃連、生地之
時。或以酒炒。或以酒洗。減其苦涼沈寒之性。而兼酒
能活血之妙。是在巧於運用。不能舉藥而徧列耳。雖

然與其艱難而圖之於後。何如直捷而除之於前。其或熱發之時。肝經毒盛。始而兩目腫閉。繼而眼中見痘。迨其既痂而後圖之。勿論其傷目也。卽令可保無虞而已。不勝費力矣。爲之涼而兼破。拔其根株。解結去翳之藥。催以升散肝火之品。治痘之藥。肝經從重而已。消患於無形矣。何至有日後之累哉。吾願治痘者於此。或當發熱而細心考究。綢繆未雨之先。或旣見證而加意尋思。斟酌於臨事之際。昔人云。膽欲大而心欲小。智欲圓而行欲方。凡證皆然。於目爲甚。不